

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Consideratio status damnatorum, quod actiones ipsorum
in primis malas, concernit**

Fecht, Johann

Durlaci, 1680

CXXVI.

[urn:nbn:de:bsz:31-122744](#)

tionibus aliis, damnatis inesse audacter inficiatur. Cui r̄ei fidem facient ea, quæ sub initium hujus discursus ex scriptis Theologorum Lutheranorum in medium produximus.

CXXVI. Longum iter haſtenus emenſi ſumus, circa controverſiam multorum opinione ſterilem nimis diu & prolixè occupati. Fatemur verò, præter opinionem excrevifle meditationes noſtras. Cauſa eſt, quod adverſus Scholaſticos & Rob. Parke-rum, datâ operâ diſputare animus fuerat, quorum illi actualia damnatorum peccata, præeunte Magistro, hic verò habituale etiam, duce Hug. Sanforde, iis uſi argumentis, in dubium vocant, quorum conſideratio partim multis fidei articulis inſigne lumen affundit, partim, ad quos tetrus errores principia Romanæ & Reformatæ Ecclesiæ, earundem ſectatores præcipites agant, quaſi ad oculum oſtendit. Vertitur enim v. g. hic universus de peccato cum actuali tum originali articulus; quid propriè peccatum ſit & conſtituat? An omnis inordinatus & contra legem tendens motus peccati rationem habeat? Utrum omne peccatum neceſſariò ſit voluntarium? Unde peccatum, tanquam ex fonte & cauſa promanet? An peccatum ſine peculiari gratiâ deponi poſſit? Utrum omne peccatum ſuā naturâ mereatur mortem & damnationem æternam, ubiunque etiam locorum committatur? Quæ ſingula, & alia plura dum in hoc argumenito recte perpendendo excuti neceſſe eſt, quantopere extenuetur per hypotheses Scholaſticas & Pontificias peccati, in primis habitualis, natura, & quæ ratione peccandi neceſſitas, ipſi naturæ in puris, ut vocant, natura- libus, concreata, in DEUM creatorem, quod nefandum dictu eſt, refundatur, & quod denique pro diversâ ſtatus locique con- ditione id, quod hodie abominandum oculis Divinis flagitium eſt, peccati in dolore exuere & amittere omnem poſſit reatum, ſo- le, dum in meridiſ lucet, clarius ſimul innotescit. Neceſſe igi- tur fuerat, ut hi tanti errores non obiter, ſed ſtudiosè refelleren- tur, veritas verò cœleſtis, quam labefactari nefas eſt, in apricum produceretur.

CXXVII. Præterea de verâ ratione boni malique, an utrumque ad voluntatem DEI, tanquam ultimam & fundamentalem normam, an verò ad ipsam sanctissimam & optimam in ſeſe naturam